

ծգեր: 71 Յայնմ ժամանակի բազում պարգես եւ պատիւս եւ բազում գեղեան զաւրավարին Մուշեղի Պապն¹ շնորհեր:

ԳԼՈՒԽ Ե.

1 Յաղագս միւսոյ պատերազմին Յայոց ընդ Պարս ի Գանձակ Ատրպայականի. եւ վասն գուշակութեան Ուռնայրի, զի յայնմ եւս յաղթութիւն լիներ Յայոց գնդին:

2 Ապա լիներ գուշակ Մուշեղի Ուռնայր արքայ Աղուանից, յոր առ նա հրեշտակ եւ տայր նմա տեղեկութիւն. ասեր. Մեծ շնորհակալութիւն ունիմ փոխանակ զի ոչ սպաներ դու զիս. եւ Աստուած էած զիս ի ձեռս քո, եւ դու անխայեցեր. զայս սեր քո ոչ մոռացայց մինչեւ իցեմ ես: 3 Բայց գուշակեալ իմ քեզ, զի Շապուհ թագաւորն Պարսից ամենայն զաւրաւք իւրովք կազմի գալ անկանել յանպատրաստից իմն² ի վերայ քո: 4 Ապա ստրատն³ Յունաց կազմեաց զաւրս իւր՝ որ ընդ իւրով ձեռամբ էին, եւ խաղացոյց տանել գնալ ի սահմանս Յայոց ի Գանձակէ կուսէ յԱտրպայական տանէ: 5 Սոյնպէս եւ Մուշեղ սպարապետն գումարեաց ի մի վայր զգաւրսն ամենայն Յայոց. եւ էին կուռ վառեալք իննսուն հազարք ընդիրք նիզակ ի ձեռն, թող զսպարակիրս: 6 Եւ տքա վաղագոյն ըստ գուշակութեանն աճապարեցին հասին յիրեանց սահմանն, բայց միայն թագաւորն մնաց անդէն ի Յայոց աշխարհին: 7 Եւ եպիսկոպոսապետն Ներսէս անդէն մնայր յաշխարհին, եւ խնդրուածս առնէր ընդ ամենայն աշխարհին հրամայէր⁴ վասն զաւրացն որ էին ի պատերազմին:

8 Իսկ թագաւորն Պարսից Շապուհ գայր հասաներ ամենայն զաւրաւքն իւրովք ի տեղի պատերազմին, եւ գտանէր զգաւրսն Յունացն եւ զգունդն Յայոց, զի կազմեալ պատրաստեալ էին ի գործ պատերազմին: 9 Եւ լինէին խառնուրդք ճակատուն. ի պարտութիւն մատնեցան զաւրքն Պարսից: 10 Մանաւանդ գունդք նիզակաւորացն յարձակեալք մոլեգնեալք, քաջութեամբ զախոյեանս ի վերուստ յերիվարացն յերկիր կործանէին յանդիման թագաւորին Պարսից Շապիոյ. եւ ընդ ընկեանուն խրախոյս բառնային՝ աղաղակելով ամենայն զաւրքն պատերազմիկք Յայոց, համակ զայս բանս ասելով՝ եթէ Ա՛ռ Արշակ քաջ: 11 Չի զամենայն ախոյեանսն, զոր ի ճակատուն յայն սպանանէին, նմա նուիրէին իւրեանց քաջի⁵ թագաւորին Արշակայ. զի զամենայն զոր սպանանէին, ասէին. Արշակայ թագաւորին մերոյ զոհ լիջիր: 12 Եւ յորժամ Յայոց ազատանոյն ախոյենացն նիզակաւորացն ռազմ արա-

1 *Օրինակ մի յաւելլու՝* պարգետեր եւ

2 *Յօր.* եկն

3 *Յերկուս օրինակս՝* ստրատելատն

4 *Օրինակ մի յաւելլու՝* աղօթել

5 *Տպ.* առաջի